

誠意伯文集

一
函
十
冊

太師誠意伯劉文成公集卷之九

古樂府

艾如張

薤露林衆鳥萃之我欲張羅榛楛翳之既礪我斧又飭我徒孰是與穢而不剪除爰升于虛以相刀麓有條我綱載秩我目有鳥有鳥五采其章嚶嚶喈喈率彼高岡張之弗獲憂心且傷寤寐懷思曷云能忘有鳥五采亦旣來止昭其德音以相君子君子豈弟其儀是若艾而張矢云胡不樂

芳樹

蔚彼芳樹生于蘭池景風晝拂榮泉夜滋輝如其光炫于朱
曦含華吐芬嚶鳴滿枝君子有酒以邀以嬉羽觴交橫吹竹
彈絲和彼草木允惟歎時良辰易徂能不懷思沛其邁矣其
誰女悲

上陵

零雨霏霏亦降于桑榆懷中懷念昔先皇惟昔先皇創業孔
艱寤寐興懷能不永歎精靈安所體魄焉依幽明隔絕曷已
其思堂堂梓宮在彼高岡霜露是萃能不慨傷禮起由情將
情繫物溥斯索矣庶其罔闕郊社旣虔宗廟孔威上陵是申

式昭孝思

村莊酒

有酒湛湛亦盈于觴酌言進之思心泮泮亦有兄弟在天
方且和致之樂以徜徉有酒在尊既旨且清何以酌之有觥
其觥豈不欲飲惜無友生愴恨傷懷曷云其平兄弟之合如
埙如篪朋友既比如綱如維死喪急難是責是庇今日有酒
如何勿思人亦有言解憂惟酒載惓載歎亦孔之咎我觴維
覆我聲維玖以樂兄弟以宴朋友

上之回

上之回六龍矯捷光耀拂鷺鳥欄石關匝棠梨揚靈旗縣月
支天馬來宛居劉穆上玄釐穰穰坐明堂朝萬方翕披離玉

知光於億年樂未央

朱宮

朱宮玉山巖嶺引標臆延朱鷺來
絕流般飲赤水食丹
朱鷺來煥德如鳳皇明漢魏訖朱鷺來集太液帝錫祐荒
四時六氣交燁星煌煌鸞鵲鳳凰朱鷺來皇之輝神策演

巫山高

巫山高哉鬱崔嵬下有江漢浮天回深林日日照不到洞谷
闔闔生風雷危峰半出赤道上落日猿猱鳴聲哀虎牙赤甲
鬬雄壯風氣以之而隔閼楚王遺跡安在哉但見麋鹿跳蒿

淡當時忠臣放澤畔乃與靳尚相徘徊山中妖狐老不死
作婦女蓮花腮潛形譎跡託夢寐變幻涕淚成瓊瑰神靈震
怒不可禱雲霧慘淡昏陽臺猛風吹雨洗不盡假手秦炬歟
飛灰精誠感應各以類世間妖孽匪自來君不見商王夢中
得良弼傳巖之美今安匹巫山何事近楚宮終古怨恨流無
窮

戰城南

朝戰城南門暮戰城北郭殺氣高衝白日昏劍光直射旄頭
落聖人以五服限彛夏射獵耕織各自安土風胡爲彼狂不
自顧而與大國爭長雄高帝定天下遺此平城憂陛下宵旰

不遑食擁旄仗鉞臣不差登南城望北土雲茫茫土廕廕蚩
尤禡牙雷擊鼓舉長戟揮天狼休屠日逐渾邪王羶車尾尾
連馬羊橐駝載金人照耀紅日光逍遙而來歸帝鄉歸帝鄉
樂熙熙際天所覆罔不來小臣獻凱未央殿陛下垂拱安無
爲

君馬黃

君馬黃我馬驪二馬八足爭驅馳回頭顧影雙驕嘶尾端散
作鱗虹飛黃馬曜日黃金品驪馬謂是玄天精眼前好醜那
能明吾聞良驥稱以德不聞矜此驪黃色世無伯樂識者誰
有德無色空自知

思悲翁

弱齡輕日月邁景想神仙顧往諒無及待來徒自憐黃金棄
砂礫切心鍊丹鉛鑿石不得水沉劍徒窺淵流光不我與白
髮盈華顙杖策出門去十步九不前歸來對妻子塵竈午未
烟午時乏計策澁畊無闌田霜蒲怨青松逝矢恨驚弦已矣
復何道吞聲赴黃泉

聖人出

聖人出臨萬方赤若白日登扶桑陰靈韜精星滅芒群氛辟
易歸大荒曉曉寒谷熙春陽枯根發苗暢幽藏潛魚躍波谷
鳥翔花明草暖青天長青天長聖人壽北斗軒轅調氣候北

辰中居環列宿八風應律九歌奏圓方交格神靈輳聖人出
陽道開億萬年歌康哉

釣竿

斫竹作釣竿抽繭作釣絲滄洲日暖波漣漪綠蒲茸茸柳絮
垂釣纖餌香魚不知石鱗激水溪毛動玉燕廻翔竿尾重
魚入饌腮頰紅小魚卻放淵法中更祝小魚知我意長逝深
潭莫貪餌

思美人

雨欲來風蕭蕭披桂枝拂陵苕繁英墮鮮葉飄揚烟埃靡招
搖激房帷發綺綃中髮膚惜寂寥思美人隔青霄水渺茫山

岩幾雲中鳥何翛翛欲寄書天路遙東逝川不可邀芳蘭花
日夜凋掩瑤琴閑玉簫魂幾幾心搖搖望明月歌且謠聊道
遙永今宵

關山月

關山月明風惻惻萬里黃雲雜沙磧夜深羌笛吹一聲征人
相看淚沾臆古人以綏服奮武備耕戰守禦不外求何人倡
此成邊策千載以貽中國憂關山月圓復缺何忍年年照離
別願得馳光照明主莫遣邊人望鄉苦

楚妃歎

江漢揚波六千里上有巫山矗天起錦衾一夕夢行雲萬戶

千門冷如水閣道秦兵下武關君王畱連猶未還山深不見
章臺殿汨羅冤淚空潺湲尚憶前王好馳逐宮中美人不食
肉回在作哲須臾間至今相業歸孫叔楚宮無復如昔人况
有神女如花新悲來恨新還憶故誰能斷卻巫山路

上清詞三首

王子胥好吹笙吹得神仙下玉京一朝羽化隨風去回首故
宮芳草生

天上月影悠悠似鏡看看又似鈎自是嫦娥甘寂寞桂花相
對度千秋

水九秋清涼月滿空聞雁聲雁聲不到夢先到白露濕

漢宮曲

小窗如烟畫掩扉
捲簾忽見燕雙飛
不知春色能多少
總向昭陽柳上歸

江上曲八首

數樹垂楊綠水邊
問郎何不繫蘭船
浦沙新漲青山遠
半夜

月明無杜鵑

曾記樓船夜泊時
家家絃管鬪腰肢
于今絃管歸何處
綰束

枯蒲當酒旗

昨夜月明天似水
今晨月落水如天
長水遠人何處
蘆葦

蕭蕭一抹烟

紫桂香銷五夜霜
碧雲收盡玉蟾光
琅玕不是人間樹
何處朝陽有鳳凰

月出前山青黛寒
雁聲遙下碧雲端
草根錯認驪珠吐
自是西風白露團

賓雁來時月滿洲
于今雁去月如鉤
雁來雁去何時了
月照離人又白頭

憶兄垂楊總綠絲
陡看秋菊映疎籬
柳花作絮隨風去
菊綻金葩欲似誰

紅蓼丹楓一色秋
楚雲吳水共悠悠
人間萬事西風過
惟有

滄江日夜流

寒夜謠二首

良夜悠悠星河滿天風吹窸櫛聲如管絃無酒可飲寒不能
眠枯腸饑鳴百慮交煎人生一世不滿百年寤寐懷思枵維
其然內省不疚有愧聖賢

今夕何夕歲聿其徂草木凋落山川縈紆瞻彼鴻雁拂翼天
衢離離和鳴載悠載徐雖無羽翰心與之俱華月出雲青燈
在隅歌以寫懷云何其吁

夜夜曲

冬夜恒苦長夏夜恒苦短短長相蔽虧殷勤望推挽紉茅作

繩繩易斷汲水作池池易旱故鏡塵昏難遠照故衣絮敝無
新暖西風嫋嫋吹桂枝白露點苔黃葉滿

秋夜曲

木落霜露繁烏啼夜方永起行望明月西風吹雁影雁飛一
何急烏啼安所集徘徊不能寐望月空佇立河漢傾誰
家砧杵聲關山渺千里何處不傷情

長歌續短歌

短歌調促情苦悲長歌引愁無絕期短聲欲盡長聲續似是
荆山人泣玉悲哉荆山泣玉人但知貴玉不貴身縱令哭盡
歌堪聽何異春花委路塵古稱悲歌可當哭傷心如中金石

鏃更不必聽蔡琰笳又不必聽漸離筑長歌飄揚徹九天短
歌嗚咽入九泉徒言歌哭兩情異誰知歌聲尤可憐

牆頭花

牆頭花紅錦如美人抱瑟倚高樓只恐花飛逐風去熒熒絳
臘送殘宵燕語鶯啼斜日暮

望行人

朝聽乾鵲鳴暮見燈花結鵲鳴燈結無定期鏡裏青雲看成
雪人生百歲難長保天上孤鸞海中老滔滔逝水不回西灼
灼秋花幾時好一朝復一朝一夕復一夕只恐君心念妾時
妾身已作山頭石

長松梢

長松梢青拂天歲暮商飈急寒苦令人憐陰崖有樸櫟生在
荆棘下霜凋荆棘葉網綴如簷瓦春風破冰凍勁綠不曾赭
禍福相倚伏豈不在所招寧爲樸櫟莖莫作長松梢

折楊柳

東風二月春如酒不見百花惟見柳柳絲綰州畱暝鴉柳花
蕩漾逃羲和美人捲簾看不足柳色萋萋如娥綠夜來微雨
清郊圻鶯黃相應鳴埧篴欲寄柔條無信使空將淚染回文
字